

四庫全書

子部

欽定四庫全書

御定佩文齋廣羣芳譜卷八

穀譜

稻

原稻一名稌有稊

與杭同

有糯

與稊同爾雅云稌稻註云今沛國呼稌疏云案說文

云沛國謂稻為糯杭稻屬也字林云糯黏稻也杭稻不黏者本草以稊米稻米為二物杭古稊字然杭糯甚相類黏不黏為異耳本草云黏者為糯不黏者為稊糯者糯也稊者硬也又云稻稌者杭糯之通稱本草則專指糯以為稻也其性黏軟故謂之糯  
堪作飯作粥南方以為常食北方以

為佳品禮記祭宗廟之禮謂稻為嘉蔬周禮地官有稻人漢有稻田使者蓋通粳糯而言也粳之熟也晚謂之晚稻粳之小者謂之秈秈熟早謂之早稻有早中晚三熟水旱二類南方土下泥塗多宜水稻北方地平惟澤土宜旱稻種類甚多

增本草孟詵曰淮泗之間最多

襄洛土粳米亦堅實而香南方多收火稻李時珍曰西南夷有燒山地為畬田種旱稻者謂之火米真臘有水稻高丈許隨水而長原其穀之紅白大小不同芒之

有無長短不同米之堅鬆赤白紫烏不同味之香否軟硬不同性之溫涼寒熱不同大要北粳涼南粳溫赤粳熱白粳涼晚白粳寒新粳熱陳粳涼葉與梗似小麥穗似大麥稈與實不相黏溫中益氣止煩渴和腸胃合炎

實作粥益精強志聰耳明目其類為香粳

一名香子粒小色斑以三

五十粒入他米數升炊之芬芳香美

小香稻

赤芒白粒其色如玉食之香美凡享奠延賓以為上品出

閩中雪裏揀

粒大色白稈軟而有芒

三穗子

一穗三百餘粒出湖州

箭子

粒長而細

白味甘香九月熟稻之上品

膳脂赤

香柔而甘春煮之作純赤色晚稻上品有一種性不畏鹵可當

鹹湖近海口之田不得不種

蓋下白

正月種五月刈其莖根復生九月再熟理生玉鏡云一名再熟

稻又謂之再撩

麥爭場

三月種六月熟此種早熟農人甚賴其利食新者爭市之價倍貴

青芋

稻

種六月熟累子稻白漢稻七月熟此三種出益州大而長米半寸亦嘉種也

木香杭

粒小而性柔七

月熟有紅芒白芒之等

虎掌稻赤橫稻蟬鳴稻

俱七月熟

早白稻一名小白

一名細白粒赤而稈芒白五月初種八月熟中秋稻粒九月熟者謂之晚白一名蘆花白一名大白

而大四月種八月熟八月望熟者謂之早中秋又謂之閃西風

一文紅

五月種八月收能水水深三

四尺漫撒之能抽芽出水

勝紅蓮

粒長擺柳稻性硬皮色斑

紫芒稻粒白殼紫

紅蓮

粒大芒紅皮赤

三朝齊

一名下馬看秀最易

矮白

又名師姑粒白無芒稈矮俱五月種

九月熟 撫稻春種夏獲七月 金城種粒尖色紅而性硬四月

種松江謂之烏口稻一名冷水結再蔣而晚熟色赤米下品也 黑而耐水與寒稻之下品 他如

黃稻黃陸稻豫章青赤芒白青甲等稻未可枚舉 增

本草私稻一名占稻種出占城國故名 似梗而粒小各處有之

品類亦多有赤白二色與梗大同小異 理生玉鏡自

占城來作飯差硬宋氏使占城珍寶易之以給於民者

六旬稻一名拖犁歸粒小色白四月種六月熟又有八

十日稻百日赤毘陵亦有六十日私八十日私 百日私之品百日赤百日私俱白稃烏私粒大而芒長

織履飯之香美浙中以供賓客及老疾孕婦三月種七月收其田以蒔晚稻可再熟

廣志稷有

烏稷黑穰青幽白夏之名

齊民要術案今世有尾紫

稻青杖稻飛青稻赤甲稻烏陵稻白地稻孤灰稻原

糯稻一名秫稻苗葉莖穗與粳稻同

增本草宋馬志

曰秫稻米即糯米也其粒大小似秔米宋寇宗奭曰今

造酒糯米也其性溫故可為酒明李時珍曰南方水田

多種之其性黏穀殼有紅白二色或有毛或無毛米亦

有赤白二色

原米可炒食可釀酒可熬飴可作粢可

煮糕可蒸糕水稻赤色者酒多糟少一種粒白如霜長三四分性黏滯難化多食令人身軟擁諸經絡氣發癰疽瘡癰中痛合酒食醉難醒小兒及病人最忌孕婦雜肉食之令子不利小猫犬食之脚屈不能行馬食之足

重其類為蘆黃糯

一名泥裏變言不待日曬也粒大色白芒長熟最其色易變釀酒最佳

金釵糯

粒長而釀酒倍多

烏香糯

色烏氣香

私糯

一名趕陳糯一名趕不著粒最長白

稔有芒四月種七月熟

小娘糯

不耐風水四月種八月熟

青稈糯

稔黃芒赤已熟而桿微青

最宜良田四月種九月熟

矮糯

一名矮兒糯尖大而色白四月種九月熟

硃砂糯

一名臘脂糯芒



長而穀多白斑五月種九月熟羊脂糯色白性軟五月種十月熟虎皮糯白斑五月

鐵梗糯桿挺而堅馬駝糯芒如馬駝色赤秋風糯一名瞞官糯一名冷粒糯粒圓白而

稗黃大暑可刈易種多收農人喜種之飯則糯釀則粳糲則減價多以代粳輸租增齊民要

術秫稻有九格秫雉木秫大黃秫常秫馬身秫長江秫

惠成秫黃滿秫方滿秫虎皮秫薈奈秫

彙考原詩幽風十月穫稻增周頌豐年多黍多稌傳

稌稻也禮記王制冬薦稻月令季秋之月天子乃

以犬嘗稻先薦寢廟周禮地官稻人掌稼下地以渚

畜水以防止水以溝蕩水以遂均水以列舍水以澮瀉  
水以涉揚其芟作田凡稼澤夏以水殄草而芟蕘之澤  
草所生種之芒種早暵共其雩斂註澤草之所生其地  
可種芒種芒種稻麥也稻人共雩斂稻急水者也疏以  
下田種稻麥故曰稼下地但水鍾曰澤有水及鹹鹵皆  
不生草即不得芒種故曰草所生餘官不言共雩斂于  
此官特言共者以稻是水穀急須水故旱時特使共雩  
之發斂也 夏官東南曰揚州其穀宜稻 正南曰荆

州其穀宜稻

左傳鄆人藉稻註其君自出藉稻蓋履

行之疏服虔云藉耕種於藉田也

戰國策東周欲為

稻西周不下水東周患之蘇子謂東周君曰臣請使西  
周下水可乎乃往見西周之君曰君之謀過矣今不下  
水所以富東周也今其民皆種麥無他種矣君若欲害  
之不若一為下水以病其所種下水東周必復種稻種  
稻而復奪之若是則東周之民可令一仰西周而受命  
於君矣西周君曰善 史記夏本紀令益與衆庶稻可

種卑濕

後漢書郡國志

廣陵郡有長洲澤吳王濞太

倉在此注

縣多麋博物記曰千百為羣掘食草根其處

成泥名曰麋畷民人隨此畷種稻不耕而獲其收百倍

張堪傳堪拜漁陽太守開稻田八十餘頃勸民耕種

以致殷富

魏志夏侯惇傳

惇復領陳留濟陰太守時

大旱蝗蟲起惇乃斷太壽水作陂身自負土率將士勸

種稻民賴其利

吳志鍾離牧傳

牧少居永興躬自墾

田種稻二十餘畝臨熟縣民有識認之牧曰本以田荒

故壑之爾遂以稻與縣人縣長聞之召民繫獄欲繩以  
法牧為之請長曰君慕承宮自行義事僕為民主當以  
法率下何得寢公憲而從君耶牧曰此是郡界緣君意  
顧故來暫住今以少稻而殺此民何心復留遂出裝還  
山陰長自往止之為釋繫民民慙懼率妻子舂取稻得  
六十斛米送還牧牧閉門不受民輸置道旁莫有取者  
牧由此發名 晉書陶侃傳侃嘗出遊見人持一把耒  
熟稻侃問用此何為人云行道所見聊取之爾侃大怒

曰汝既不佃而戲賊人稻執而鞭之是以百姓勸於農

殖家給人足

原晉書孝友傳

孫晷吳國富春人年饑

穀貴人有生刈其稻者晷見而避之須去而出既而自

刈送與之

隱逸傳

郭翻居貧無業欲墾荒田先立表

題經年無主然後乃作稻將熟有認之者悉推與之縣

令聞而詰之以稻還翻翻遂不受

增晉書藝術傳

幸靈者豫章建昌人父母常使守稻羣牛食之靈見而不  
驅待牛去乃往理其殘亂者其父母見而怒之靈曰夫

萬物生天地之間各欲得食牛方食奈何驅之父愈怒  
曰即如汝言復用理壞者何為靈曰此稻又欲得終其  
性南齊書孔琇之傳琇之補吳令有小兒年十歲偷  
刈鄰家稻一束琇之付獄治罪或諫之琇之曰十歲便  
能為盜長大何所不為縣中皆震肅南史范雲傳文

惠太子嘗幸東田觀穫稻雲時從文惠顧雲曰此刈甚  
快雲曰三時之務亦甚勤勞願殿下知稼穡之艱難無  
徇一朝之宴逸也陳伯之傳伯之年十三四好著獺

皮冠帶刺刀候鄰里稻熟輒偷刈之常為田主所見呵之曰楚子莫動伯之曰君稻幸多取一擔何苦田主收執之因拔刀而進曰楚子定何如田主皆反走徐擔稻而歸

原南史隱逸傳晉陶潛為彭澤令公田悉令種

秫稻妻子固請種粳乃使二百五十畝種秫五十畝種粳顧歡家貧父使田中驅雀歡作黃雀賦而歸雀食稻過半父怒欲撻之見賦乃止

增新唐書郭元振傳

元振為涼州都督遣甘州刺史李漢通關屯田盡水陸



之利稻收豐衍

子頤傳頤為湖州刺史部有湖陂異

時溉田三千頃久廢頤行縣命修復隄閘歲獲杭稻  
蒲魚無慮萬計

李百藥傳百藥七歲能屬文父友陸

乂等共讀徐陵文有刈琅邪之稻之語歎不得其事百

藥進曰春秋邠子藉稻杜預謂在琅邪客大驚號奇童

南蠻傳環王稻歲再熟 牂牁無城郭土熟多霖雨

稻粟再熟 墮婆登在環王南種稻月一熟 宋史仁

宗本紀慶厯四年五月幸玉津園觀種稻 禮志紹興

七年七月張浚等言雨澤稍愆乞禱上曰朕患不知四方水旱之實宮中種稻兩區其一地下其一地高高者其苗有槁意矣須精加祈禱以救旱暵景德四年十月二十九日詔皇太子宗室近臣諸帥赴玉宸殿翠芳亭觀稻賜宴仍以稻分賜之

食貨志言者謂江北之

民雜植諸穀江南專種杭稻雖土風各有所宜至於參植以防水旱亦古之制於是詔江南兩浙荆湖嶺南福建諸州長吏勸民益種諸穀江北諸州亦令就水廣種

杭稻並免其租 江南兩浙荆湖嶺南福建土多杭稻

須霜降成實自十月一日始收租 大中祥符四年帝

以江淮兩浙稍旱即水田不登遣使就福建取占城稻

三萬斛分給三路為種擇民田高仰者蒔之蓋旱稻也

內出種法命轉運使揭榜示民後又種於玉宸殿帝與

近臣同觀畢刈又遣內使持於朝堂示百官稻比中國

者穗長而無芒粒差小不擇地而生 山海經箕尾之

山其神狀皆鳥身而龍首其祀之禮糝用秬米註秬秬

稻也

廣漠之都后稷葬焉爰有膏稻註言味好滑如

膏

淮南子江水肥仁而宜稻 稻生於水而不能生

於湍瀨之流

伏虔古今注惠帝三年桂宮陽翟俱雨

稻米

春秋說題辭

稻之為言藉也稻冬含水盛其德

也故稻太陰精含水漸洳乃能化也江旁多稻固其宜

也

原孝經援神契

汙田宜稻

蔡邕月令

十月穫稻

人君嘗其先熟故在季秋九月熟者謂之半夏稻

增

括地志

自崑崙山以南多是平地而下濕土肥良多種

稻歲四熟留役馳馬米粒亦極大

會稽典錄夏香有

盜刈稻者香助收之盜慙送以還香香不受

博物志

下泉宜稻

華陽國志

江州縣北有稻田出御米

風

土記穠稻之青穠米皆青白也

原抱朴子南海晉安

有九熟之稻

增拾遺記

樂浪之東有背明之國在扶

桑之東見日出於西方其國昏昏常暗宜種百穀名曰

融澤方三千里五穀皆良食之後天而老有浹日之稻

種之十旬而熟有翻形稻言食者沒而更生天而有壽

有明清稻食者延年也清腸稻食一粒歷年不饑

原

異物志

交趾稻夏熟農者一歲再種

安成記

安成郡

毛亭田疇膏腴稻馨香飯若凝脂

淵明別傳淵明

嘗聞田水聲倚杖久聽歎曰秫稻已秀翠色染人時剖

胸襟一洗荆棘此水過吾師丈人矣

增世說

簡文見

田稻不識問是何草左右荅是稻簡文還三日不出云

寧有賴其末而不識其本

水經注

九真太守任延始

教耕犁俗化交土風行象林知耕以來六百餘年火耕

水耨法與華同名白田種白穀七月大作十月登熟名赤田種赤穀十二月作四月登熟所謂兩熟之稻也

述異記大禹時天雨稻古詩云安得天雨稻飼我天下

民廣雅稻穗謂之禾稻已割而復抽曰稻孫原西

域記天竺國土溽熱稻歲四熟摩揭陀有異稻巨粒

號供大人米增唐厯開元十九年揚州奏魯生稻二

百一十五頃再熟稻一千八百頃其粒與常稻無異

酉陽雜俎鄮都稻名重思其米如石榴子粒稍大味如

菱杜瓊作重思賦曰霏霏春暮翠矣重思雲氣交被嘉

穀應時

原偽越外紀

稻一年再熟今浙江温州稻一

歲兩種廣東又有三種田地氣暖故也

續仙傳唐謝

玄卿遇神仙設龍睛稻

增東坡雜記

黎子雲言海南

秣稻率三五歲一變頃歲儋人最重鐵脚糯今歲乃變  
為馬眼糯草木性理有不可知者

中吳紀聞

紅蓮早

稻自古有之陸魯望詩云遙為曉風吟白菊近炊早稻

識紅蓮

三柳軒雜識

五穀以稻為貴古人各以其類



配之如以殺雞配為黍謂野人之餐也以啜菽配飲水  
謂貧者之孝也以蔬食對菜羹謂貶降之食也惟食稻  
則對衣錦又祭祀以稻為嘉蔬公享大夫則以為吉饈  
是五穀以稻為貴也

椒宮舊事成穆貴妃孫氏參政

孫英之妹嘗與上登香雲閣觀後苑刈稻上命宮人取  
酒來為賞豐飲令妃誦詩侑酒妃為歌李紳憫農詩上  
大悅賜予有加

戒菴漫筆稻花白而瓣少者米賤多

而色黃則貴俗云銀花賤金花貴也

奎瀛勝覽舊港

土沃人稠地宜稼穡諺云一季種田三季收稻言收穫

廣也

海槎餘錄

黎俗四五月必集衆斫山木縱火燒

盡土下尺餘亦且熟透徐徐鋤轉種早稻曰山禾米粒大而香可食連收三四熟

湧幢小品

暹羅國稻其粒

盈寸

燕山叢錄

房山縣有石窩稻色白味香美以為

飯雖盛暑經數宿不餲

原一統志

雷陽界稻十一月

下種揚雪耕耘次年四月熟與他地迥異 稻花午開暮合開合皆於日中香甚有至七開七合者

集藻啓增梁庾肩吾荅湘東王賚粳米啓竊以農夫力

耕時逢儉歲疎賤時澤必取豐年秌斛瀉珠嘉聞陶量

翻庭委玉欣見馬圖

又

出梁國之

闕一字

祖兼水陸之殊

品伊尹說而不至石崇豪所未及遇處默之得賓同符

朗之舉箸長河可塞上德無酬

又

味重新城香踰滂

水連舟入浦似彥伯之南歸積地為山疑馬援之西至

不待候沙同新渝之再熟無勞拜石均遼倉之重滿前

恩未遠次渥仍流墨翟假以故書裴楷慙其國賜

謝

東宮賚粳米啓  
渚水鳴蟬香聞七里瓊山合穎租歸十  
縣肩吾人慙振藻徒降人間之松職濫更繁空撤家丞  
之俸成珠委地事重逢仙游玉為糧珍踰入楚雖復激  
水滄流不待監河之說春風掃地方誚文學之篇

書增魏文帝與朝臣論秔稻書  
江表惟長沙名有好米

何得比新城秔稻耶上風吹之五里聞香  
宋蘇軾與

弟子由書  
或為予言草木之長常在昧明間早起伺之  
乃見其拔起數寸竹筍尤甚夏秋之交稻方含秀黃昏

月出露珠起於其根纍纍然忽自騰上若推之者或綴  
於莖心或綴於葉端稻乃秀實驗之信然此二事與子  
由養生之說契故以此為寄

贊增晉湛方生庭前植稻苗贊  
菁菁嘉苗離離階側弱  
葉繁蔚圓株疎植清流津根輕露濯色

文賦散句增漢張衡南都賦若其厨膳則有華薌重柜  
湑臯香秔鄭玄婚禮謂文秔稻馥芬婚禮之珍  
袁

淮觀殊俗河內青稊新成白稊  
晉左思吳都賦國稅

再熟之稻

宋蘇軾與李公擇書軾見在東坡作陂種

稻勞苦之中亦自有樂事

五言古詩

御製秋日出郊觀稼秋氣日寥迴萬象皆蒼蒼朝暾被渥露  
草木含晶光西成方屆候農事將築場於焉省歛穫令典  
重百王輕軒屏前置夙駕無嚴裝郊原一以眺煙樹紛成  
行微風散深樾清流抱迴塘土脈秀且沃簫車鬱相望新  
鎌粲如月刈此溪雲黃捃拾復何幸遺秉滿道旁鳥雀互

翔集婦子咸悅康行將吹葦籥報爾千斯箱眷言三時勤  
艱難詎可忘茫茫視九壤豈盡歌豐穰二鬴苟不充予飢  
怒如傷幸茲樂有年時若雨與暘勗哉慎所麗田功庶無  
荒

增晉陶潛庚戌歲九月中于西田穫稻人生歸有道衣  
食固其端孰是都不營而以求自安開春理常業歲功  
聊可觀晨出肆微勤日入負禾還山中饒霜露風氣亦  
先寒田家豈不苦弗獲辭此難四體誠乃疲庶無異患

干盥濯息簷下斗酒散襟顏遙遙沮溺心千載乃相關  
但願常如此躬耕非所歎

原唐杜甫行官張望補稻

畦水歸東屯大江北百頃平若按六月青稻多千畦碧  
泉亂插秧適云已引溜加溉灌更僕徃方塘決渠當斷  
岸公私各地著浸潤無天旱主守問家臣分明見溪伴  
芊芊炯翠羽剌剌生銀漢鷗鳥鏡裏來關山雪邊看秋  
菰成黑米精鑿傳白粲玉粒足晨炊紅鮮任霞散終然  
添旅食作苦期壯觀遺穗及衆多我倉戒滋蔓

秋行



官張望督促東渚刈稻向畢清晨遣女奴阿稽豎子阿  
段往問東渚雨今足佇聞稷稻香上天無偏頗蒲稗各  
自長人情見非類田家戒其荒功夫競搨搨除草置岸  
傍穀者命之本客居安可忘青春具所務勤墾免亂常  
吳牛力容易並驅動莫當豐苗亦已概雲水照方塘有  
生固蔓延靜一資隄防督領不無人提攜頗在綱荆揚  
風土暖肅肅候微霜尚恐主守疎用心未甚減清朝遣  
婢僕寄語踰崇岡西成聚必散不獨陵我倉豈要仁里

譽感此時世忙北風吹蒹葭蟋蟀近中堂荏苒百工休  
鬱紆遲暮傷

增李覲穫稻朝陽過山來下田猶露濕

餉婦念兒啼逢人不敢立青黃先後收斷折偃僂拾鳥  
鼠盈官倉新租喜復入

陸游稻陂白水滿稻陂投種

未三宿新秧出水面已作纖纖綠年來殘俸絕所望在  
一熟見之喜欲舞不復憂半菽想當西成時載重壓車  
軸病齒幸已勞往矣分社肉

代鄉鄰作插秧歌浸種

二月初插秧四月中小舟載秧把往來疾于鴻吳鹽雪

花白村酒粥面濃長歌相贈答宛轉含幽風日暮飛漿  
歸小市鼓鼕鼕起居問尊老勤儉教兒童何人采此語  
為我告相公不必賜民租但願年屢豐

元趙孟頫題

耕圖正月田家重元日置酒會鄰里小大易新衣相戒  
朱明起老翁年已邁含笑弄孫子老嫗惠且慈白髮被  
兩耳杯盤且羅列飲食致甘旨相呼團藥坐聊慰衰莫  
齒田畝藉人力糞壤要鋤理新歲不敢閑農事自茲始  
二月東風吹原野地凍亦已消早覺農事動荷鋤過

相招遲遲朝日上炊煙出林梢土膏脈既起良耜利若  
刀高低徧翻壅宿草不待燒幼婦頗能家井臼常自操  
散灰緣舊俗門逕環周遭所冀歲有成殷勤在今朝

三月良農知土性肥瘠有不同時至萬物生芽蘖由地  
中東耒向畎畝忽徧西與東舉家往于田勞瘁在爾農  
春雨及時降被野何濛濛乘茲各布種庶望西成功培  
根利秋實仰天望年豐但使陰陽和自然倉廩充

四

月孟夏土加潤苗生無近遠漫漫冒淺陂芄芄被長阪

嘉穀雖已殖惡草亦滋蔓君子與小人並處必為患朝  
朝荷鋤往薅耨忘疲倦旦隨鳥雀起歸與牛羊晚有婦  
念將飢過午可無飯一飽不易得念此獨長歎  
五月

仲夏苦雨乾二麥先後熟南風吹隴畝惠氣散清淑是  
為農夫慶所望實其腹酤酒醉比鄰笑語聲滿屋紛然  
收穫罷高廩起相屬有周成王業后稷播百穀皇天貽  
來牟長世自茲卜願言仍歲稔四海盡蒙福  
六月當  
暑耘水田農夫亦良苦赤日背欲裂白汗灑如雨匍匐

行水中泥淖及腰脅新苗抽利劍割膚何痛楚夫耘婦  
當饁奔走及亭午無時暫休息不得避炎暑誰憐萬民  
食粒粒非易取願陳知稼穡無逸傳自古

七月大火

既西流涼風日淒厲古人重稼穡力田在匪懈郊行省  
農事未黍何旆旆碾以他山石玉粒使人愛大祀頒粢  
盛一一稽古制是為五穀長異彼稊與稗炊之香且美  
可用享上帝豈惟足食人一飽有所待

八月白露下

百草莖葉日紛委是時禾黍登充積徧都鄙在郊既千

庾入邑復萬軌人言田家樂此樂誰可比租賦以輸官  
所餘足儲峙不然風雪至凍餒及妻子優游茅簷下庶  
可以卒歲太平元有象治世乃如此 九月大家饒米

麪何啻百室盈縱復人力多舂磨常不停激水轉大輪  
磴碾亦易成古人有機智用之可厚生朝出連百車莫  
入還滿庭勾稽數多寡必假布算精小人好爭利晝夜  
心營營君子貴知足知足萬慮輕 十月孟冬農事畢

穀粟既已藏彌望四野空藁秸亦在場朝廷政方理庶

事和陰陽所以頻歲登不憂旱與蝗置酒燕鄉里尊老  
列上行肴羞不厭多魚羔復烹羊縱酒窮日夕為樂殊  
未央禱天祝聖人萬年長壽昌 十一月農家值豐年

樂事日熙熙黑黍可釀酒在牢羊豕肥東鄰有一女西  
鄰有一兒兒年十五六女大亦可笄財禮不求備多少  
取隨宜冬前與冬後昏嫁利此時但願子孫多門戶可  
扶持女當力蠶桑男當力耘耔 十二月一日不力作  
一日食不足慘淡歲云莫風雪入破屋老農氣力衰偃



僂腰背曲索絢民事急晝夜互相續飯牛欲牛肥莖藁  
亦預蓄寒驢雖力弱挽車致百斛農家極勞苦歲豈恒  
稔熟能知稼穡艱天下自蒙福

明高啓看刈禾農工

亦云勞此日始告成往獲安可後相催及秋晴父子俱  
在田札札鎌有聲黃雲漸收盡曠望空郊平日入負擔  
歸謳歌道中行鳥雀亦羣喜下啄飛且鳴今年幸稍豐  
私廩各已盈如何有貧婦拾穗猶惓惓

京師嘗吳梗

新杭粲如玉遠漕來中吳初嘗愛精鑿想出官田租我

本東臯民少年習耕鋤霜天萬穗熟恣啄從飢鳥日暮  
刈獲歸妻孥共歡呼茅屋夜春急風雨江村孤晨炊滿  
家香薦以出網鱸如今幸蒙恩遨遊在南都門前半區  
田別來想已蕪長年盜寸廩補報一事無投匕忽歎息  
飽食慙農夫

七言古詩增唐張籍江村行南塘水深蘆筍齊下田種  
稻不作畦耕場磷磷在水底短衣半染蘆中泥田頭刈  
莎結為屋歸來繫牛還獨宿水淹手足盡為瘡山蚕繞

衣飛撲撲桑村樵黑蠶再眠小姑採桑不餉田江南熱  
早天氣毒雨中移秧顏色鮮一年耕種長苦辛田熟家  
家將賽神

宋陸游農家秋晚戲詠鞭地如鏡築我塲

破礮玉粒輸官倉九月野空天欲霜甌中初喜新稂香  
舍邊蕭蕭落葉多野蠶出繭飛黃蛾寒蔬種罷醉且歌  
隻雞短紙賽園婆

楊萬里插秧歌田夫拋秧田婦接

小兒拔秧大兒插笠是兜鍪衰是甲雨從頭上濕到脚  
喚渠朝餐歇半霎低頭折腰只不答秧根未牢蔕未匝

照管我兒與雛鴨

五言律詩

御製觀苗無意到潭柘詠時景畫永薰風至清泉泱泱長芳  
年添景色遲日換流光舊竹隨隄發新花滿澗香觀苗不  
覺晚微雨點衣裳

原唐杜甫茅堂檢校收稻二首香稻三秋末平田百頃  
間喜無多屋宇幸不礙雲山御袂侵寒氣嘗新破旅顏  
紅鮮終日有玉粒未吾慳稻米炊能白秋葵煮復新

誰云滑易飽老藉軟俱勻種幸房州熟苗同伊闕春無  
勞映渠盞自有色如銀  
暫往白帝復還東屯復作歸

田去猶殘獲稻功築場憐穴蟻拾穗許村童落杵光輝  
白除芒子粒紅加餐可扶老倉庾慰飄蓬  
宋陸游統

分稻晚歸出裏一簞飯歸收百把禾勤勞解堪忍餘暇  
更吟哦歲惡增吾困家貧賴汝多村醪莫辭醉羹芋學  
岷峨  
明石沆觀稻稻水千區映村煙幾處斜冷風低  
樹起輕浪細浮花鳥雀深深圃見鷺淺淺沙杜歌聲不

絕於此見年華

七言律詩

御製入關見雨膏潤澤禾苗茂遂喜而有作甘雨時霖為洗  
兵恰逢戰勝武功成軍容萬隊初旋凱婦子千村正饁耕  
天意要荒同職貢人歡閭井共昇平征途每憶民生事喜  
見桑麻愜此情

增唐唐彥謙西明寺威公盆池新稻為笑江南種稻時  
露蟬鳴後雨霏霏蓮盆積潤分畦小藻井垂陰擢秀稀

得地又生金粟界結根仍對水田衣支公尚有三吳思  
更使幽人憶釣磯

宋唐庚端孺糴米龍川得梗孺數

十斛以歸作詩調之倒拔孤舟入瘴煙歸來百斛瀉豐  
年炊香未數神江白釀滑偏宜佛跡泉飽去定知頻夢  
與醉中何至便妨禪憑君為比長安米看直公車牘幾  
千

楊萬里種秧田底泥中跡尚深折花和葉插畦心

晚秧初撚金絨線先種輸他綠玉鍼雲壠霧疇俱水響  
絲風毛雨政春深莫聽布穀相煎急且為提壺強勸斟

朱子次秀野泛滄波館至赤石觀刈早稻韻綠雲黃  
半武夷鄉碧水縈紆一帶長聞道放船飛舄蓋定知行  
酒載紅裳權謳如賀豐年信樂飲閒酬此日涼禾黍誰  
言不陽艷晚炊流詠有餘香

明顧清獲稻用分秧韻

負郭園池帶宅田老晴天氣太平年獲來禾稻叢高廩  
散出牛羊滿近川饋啓甑山騰霧靄蟻香醅甕起淪漣  
斜陽一枕西牕夢縱有丹青不與傳

五言排律增宋歐陽修和劉原父從幸後苑觀稻呈講



筵諸公禁籞皇居接香畦鏤檻邊分渠自靈沼種稻滿  
泥田六穀名居首三農政所先擢莖蒙德茂養實以時  
堅曉謁龍池罷行瞻鳳蓋翩粹容知喜色嘉瑞奏豐年  
衰病慙經學陪遊與俊賢安知帝力及但樂歲功全拜  
賜秋風裏分行黼座前自憐臺笠叟來綴侍臣篇

五言絕句增

唐韓愈和虢州劉使君稻畦

罪布畦堪數

枝分水莫尋魚肥知己秀鶴沒覺初深

宋梅堯臣稻

畦淺淺碧水平青青稻苗長偏知楚客愛白鷺飛下上

七言絕句

御製題耕圖浸種

暄和節候肇農功自此勤勞處處同早辨

東田種稔種褰裳涉水浸筠籠

耕土膏初動正春晴野

老支筇早課耕辛苦田家惟穡事隴邊時聽叱牛聲

耙

耨每當盱食念民依南畝三時願不違已見深耕還易耨

綠蓑青笠雨霏霏

耖東阡西陌水潺湲扶耖泥塗未得

閒為念饔飧由力作敢辭竭蹶向田間

碌碌老農力穡

慮偏周早夜扶犁未肯休更駕烏犍施碌碌好教春水滿

平疇布秧農家布種避春寒  
申垆初萌寂可觀  
自昔虞書傳播穀民間  
莫作等閒看  
初秧一年農事在  
春深無

限田家望歲心  
最愛清和天氣好  
綠疇千頃露秧鍼  
淤

陰從來土沃藉農勤  
豐歉皆由用力分  
雜草灑灰滋地利

心期千畝稼如雲  
拔秧青蔥刺水滿  
平川移植西疇更

勃然節序驚心忙  
種迫分秧須及夏  
初天插秧千畦水

澤正瀾瀾競插新秧  
恐後時亞旅同心  
欣力作月明歸去

莫嫌遲一耘  
豐苗翼翼出清波  
第稗叢生可若何  
非種

自應芟薙盡莫教稂莠敗嘉禾

二耘曾為耘苗結隊行

更憂宿草去還生隴間餽饁頻來往勞勩田家婦子情

三耘攓耨盈畦日正長復勤耨蓁下方塘堪憐曝背炎蒸  
下惟冀青疇發紫芒

灌溉

塍田六月水泉微引溜通渠

迅若飛轉盡枯稊筋力瘁斜陽西下未言歸

收刈滿目

黃雲曉露晞腰鎌獲稻喜晴暉兒童處處收遺穗村舍家

家荷擔歸

登場

年穀豐穰萬寶成築場納稼積如京迴

思望杏瞻蒲日多少辛勤感倍生

持穗

南畝秋來慶阜

成瞿瞿未釋老農情霜天曉起呼鄰里遍聽村村打稻聲

春碓秋林茆屋晚風吹杵臼相依近短籬比舍春聲如

和荅家家篝火夜深時

簾謾言嘉穀可登盤糠粃還憂

欲去難粒粒皆從辛苦得農家真作雨珠看

簸揚作苦

三時用力深簸揚偏愛近風林須知白粲流匙滑費盡農

夫百種心

磬經營阡陌苦胼胝艱食由來念阻饑且喜

稼成登石磴從茲鼓腹樂雍熙

入倉倉箱頓滿各欣然

補葺牛牢雨雪天  
眊到蓋藏休暇日  
從前拮据已經年

祭神東疇舉趾祝年豐喜見盈寧百室同粒我烝民遺澤  
遠吹函擊鼓報難窮

暢春園觀稻時七月十一日也七

月紫芒五里香近園遺種祝禎祥炎方塞北皆稱瑞稼穡  
天工樂歲穰

增唐韋莊稻田綠波春浪滿前陂極目連雲耙耜肥更  
被鷺鷥千點雪破煙來入畫屏飛

宋滕白觀稻稻穗

登場穀滿車家家雞犬更桑麻漫栽木槿成籬落已得  
清陰又得花

週遭圩岸繚山城一眼圩田翠不分行

到秋苗初熟處翠茸錦上織黃雲

范成大插秧種密

移疎綠毯平行間清淺縠紋生誰知細細青青草中有

豐年擊壤聲

東門外觀刈熟潮到靈橋綠繞船海邊

力穡屢豐年淡青山色深黃稻恰是胥門九月天

陸

游秋晚

新築場如鏡面平家家歡喜賀秋成老來懶惰

慙丁壯羨睡中聞打稻聲

夜聞鄰家治稻二頃春蕪

廢不耕半生名宦竟何成歸來每羨鄰家樂月下風傳

打稻聲

稻飯買得烏犍遇歲穰此身永免屬官倉塘

南塘北九千頃八月村村稻飯香

劉詵秧老歌三月

四月江南村村插秧無朝昏紅妝少婦荷飴出白頭

老人驅犢奔

詩散句增漢茅山父老歌佳雨灌畦稻陸田亦復周

唐李邕負郭喜杭稻安時歌吉祥杜甫荆扉臨野碓

半濕搗香杭雲帆轉遼海粳稻來東吳白居易稻

飯紅似花調沃新酪漿元稹年年十月暮珠稻欲垂

新李賀昌谷五月稻細青滿平水杜牧罷亞百頃



稻西風吹半黃

宋蘇軾

共看山下稻涼葉晚翻翻

郭祥正

選種隨土宜播植糯與秔

陸游

獲稻黃雲卷

春稂玉粒新

新蔬經雨綠晚稻得霜紅

白稻雨中

熟黃鸝桑下鳴

戴復古稻田秋後雀茅舍午時雞

張伯玉

櫟楸西成稻逍遙北海尊

元李孝光日氣常

蒸稻天香喜釀花

原唐杜甫東屯稻畦一百頃北有

澗水通青苗

稻米流脂粟米白公私倉廩俱豐實

宋蘇軾

翠浪舞翻紅櫟楸白雲穿破碧玲瓏

君家稻

田冠西蜀擣玉揚珠三萬斛

增張耒裹飯送君吾豈

敢黃雲穰稭連東臯

原毛滂

百里飽看紅穰稭一杯

輕愧黑蜿蜒

何扶

良田腴腴無西東穰稭卧畦雲滿

叢十里稻香新綠野一聲歌斷舊青樓

增陸游未

論尊羹與羊酪新杭要勝太倉紅冰魚可釣羹材足

霜稻方登糴價平春雨乍晴霜吐葉秋風初冷稻吹

花築陂處處移新稻乘屋家家補破茆春粳入甑

香炊玉壓酒鳴槽滴碎珠萬里秋風菰菜老一川明

月稻花香 泥融無塊水初渾雨細有痕秧正綠 僧

惠洪想見龍城山下路一川秋色稻花風 元李孝光

梅月逢庚江雨歇稻花迎午水風涼 梁庾肩吾青花

出稻苗 原周庾信六月蟬鳴稻 增唐王維鄭國稻

苗秀 杜甫杭稻共比屋 稻穫空雲水 嘗稻雪翻

匙 杭稻熟天風 李頎白甌貯香粳 李嘉祐時雨

稻杭齊 柳宗元霜稻侵山平 韓愈刈稻擔肩頽

張籍野氣稻苗風 孟郊種稻耕白水 浙玉炊香粳

白居易綠科秧早稻  
紅粒綠渾稻  
鹿米麋牙稻

朱慶餘雨色稻苗深  
許渾霜杭野碓春  
万千香

稊倩水春  
鄭谷開懷江稻熟  
韋莊稻熟渚禽肥

田深黍稻低  
錢珙晚晴貪穫稻  
宋梅堯臣清風生

稻花  
王安石黃焦下澤稻  
范成大稻穗黃欲臥

陸游雲碓春杭白  
園丁刈霜稻  
露下稻花香  
金

完顏璫禾短新村墅  
元劉因脈脈稻分溝  
方夔移

秧趁芒種  
李孝光城裏鑑湖稻  
原唐杜甫香稻啄

殘鷗鷺粒

增

李嘉祐萬畦新稻傍山村

李賀荒畦

九月稻又芽

李郢小田微雨稻苗香

皮日休處處

路傍千頃稻

殷璠千里稻花應秀色

韋莊稻花香

澤水千畦

南畝秋風白稻肥

秋雨幾家紅稻熟

滿畦秋水稻苗平

杜荀鶴稻苗平入水雲間

宋梅

堯臣霜前稻熟春紅稈

王安石畦稻新春滑欲流

稻畦藏水綠秧齊

蘇軾烏程霜稻襲人香

紅稻白

魚飽兒女

黃庭堅禾春玉粒送官倉

王炎稻如馬

尾覆溝塍

范成大江頭一尺稻花雨

陸游稻陂雨

細豐年候

壓塍霜稻報豐年

稻壠青秧漫漫平

雨足人畦千頃稻

楊萬里早黃稻穗已長鬚

元馬

祖常江田稻花露始零

李孝光稻盡秋田孕更青

詞增宋曹文龍點絳唇

霜落吳江萬畦香稻來塲圃夜

村春處茅屋寒燈雨

玉粒長腰沉水溫溫注相留住

共抄雲子更聽歌聲駐

別錄原田家五行雨水節燒乾鑊以糯稻爆之謂之字

婁花占稻色自早未至晚稻皆爆一握各以器列比並  
分數斷高下以番白多為勝卜人口亦如之

種稻甲

子戌辰巳巳庚午辛未壬申癸酉甲戌丙子丁丑戊寅  
巳卯癸未甲申戊子巳丑庚寅辛卯甲午庚子辛丑壬  
寅甲辰丙午丁未戊申巳酉壬子癸丑庚申辛酉壬戌  
癸亥成收開日忌平開丑日

犁田須犁耙三四遍青

草或糞穰灰土厚鋪於內禽爛打平方可撒種則肥而  
發旺

浸種宜甲戌壬午壬辰成開日早稻清明節前

浸晚稻穀雨前後浸用稻草包裹一斗或二三斗投於  
池塘水內缸內亦可晝浸夜收不用長流水難得生芽  
若未出用草會之浸三四日微見白芽如鍼尖大取出  
於陰處陰乾密撒田內候八九日秧青放水浸之糯稻  
出芽較遲浸八九日如前微見白芽方可種撒時必晴  
明則苗易豎亦須看潮候二三日復撒稻草灰於上易  
生根

插秧	庚午	辛未	癸酉	丙子	己卯	壬午	癸未	甲申
----	----	----	----	----	----	----	----	----

甲午  
己亥  
庚子  
癸卯  
甲辰  
丙午  
戊申  
己酉  
己未  
辛酉  
成



收開日芒種前後插之早稻宜上旬拔秧時輕手拔出就水洗根去泥約八九十根作一小束却於犁熟水田內插栽每四五根為一叢約離六七寸插一叢脚不宜頻那舒手只插六叢却那一遍再插六叢再那一遍逐漸插去務要整直

揚稻稻初發時用揚耙于裸行中

揚去稗草易耘搜鬆稻根則易旺

耘稻揚稻後將灰

糞或麻豆餅屑撒田內用水耘去草盡淨近秋放水將田泥塗光謂之煆稻待土裂車水浸灌之謂之還水穀

成熟方可去水或遇天少雨急鋤一遍弗令開裂俟天  
興雲則澆肥糞待雨弗致缺水則稻發不過 水稻稻  
之名不一然非水則無以生種藝之法宜選上流出水  
便其性也種稻者蓄陂塘以渚之置隄閘以止之種時  
先放水十日後曳碌礮十遍地既熟淨然後下種候苗  
生五六寸拔而秧之高七八寸則耘之耘畢放水燒之  
欲秀復用水浸之苗既長茂復薅拔以去莠莠農家收  
穫尤當及時江南上雨下水收稻必用喬杆笕架乃不


遺失 早稻宜用下田齊民要術曰凡下田停水處燥則堅垆濕則汙泥難治而易荒垆墁而殺種春耕者殺種尤甚故宜五六月曠之以擬大麥如水澇不得種九月一轉至春種稻萬不失一凡種下田不問秋夏候水盡地白背時速耕耙耨頻翻令熟二月半種稻為上時三月為中時四月初及半為下時漬種令開口耬耩掩種之即再遍耨苗長三寸耙耨而鋤之鋤欲速每經一雨輒耙耨苗高尺許則冒雨薈之科大如概者五六月

中霖雨時拔而栽之入七月不復任栽今閩中有占城種即黃秈也性耐旱高仰處皆宜種謂之早占其米粒大而且甘早種早熟六十日即可獲為早稻佳種北方水源頗少惟陸地霑濕處種稻其耕鋤薅拔一如前法

增齊民要術

治早稻赤米令飯白法莫問冬夏常以

熟湯浸米一食久然後以手按之湯令瀉去即以冷水淘沃按去白乃止飯色潔白無異清流之米又晞赤稻一臼米裏著蒿葉一把白鹽一把白晞之即絕白



御定佩文齋廣羣芳譜卷八

# 欽定四庫全書

子部

御定廣羣芳譜卷十九

詳校官庶吉士臣汪彥博

員外郎臣牛稔文覆勘

覆校官庶吉士臣侍朝

校對官中書臣汪日章

謄錄舉人臣徐秉文

欽定四庫全書

御定佩文齋廣羣芳譜卷九

穀譜

黍

原黍

汜勝之書云黍者暑也待暑而生暑後乃成也說文云黍可為酒從禾入水為意六書精蘊云禾下

從余象細粒散垂之形古

一名秬

爾雅云秬黑黍

一名秠

爾雅云秠

今注云禾之黏者為黍

一稭二米注云此亦

有黃白黎三色米皆黃比粟微大

黑黍但中米異耳

北人呼為黃米屬火南方之穀性溫益氣補中久食令

人多熱小兒忌食他如牛黍燕頤馬草驢皮稻尾大黑  
黍秀成赤黍皆黍之異名也 增廣志有濕屯黃黍有

田黍塢云鶯鵲之名

齊民要術今俗有鶯

關字

黍半夏

黍

博雅

黍穰謂之稊

原

苗穗與稷同宜肥地多收

刈後乘濕即打則稊易脫遲則稊著粒上難脫

彙考原詩王風

彼黍離離

曹風

芄芄黍苗陰雨膏之

小雅我黍與與

大雅

誕降嘉種維秬維秠

恒之

秬秠是穫是畝

周頌

豐年多黍多稌

增詩小序華



黍時和歲豐宜黍稷也

禮記曲禮

黍曰薌合疏黍曰

薌合者夫穀秫者曰黍秫既輒而相合氣息又香故曰

薌合也

原王制

秋薦黍

月令

仲夏之月農乃登黍

天子乃以雛嘗黍羞以含桃先薦寢廟注必以黍者黍

火穀氣之主也

增周禮天官羊宜黍疏羊宜黍者羊

味甘熱黍味苦溫甘苦相成故云羊宜黍

左傳其薦

之也黑牡秬黍以享司寒

國語

黍而不黍不能蕃庶

原史記封禪書管仲說威公曰古之封禪鄒上之黍

北里之禾所以為盛

增漢書律歷志度者分寸尺丈

引也所以度長短也本起黃鐘之長以子穀秬黍中者  
一黍之廣度之九十分黃鐘之長注師古曰子穀猶言  
穀子秬即黑黍中者不大不小也言取黑黍穀子大小  
中者率為分寸也

原宋書符瑞志黃帝時南夷乘白

鹿來獻秬鬯

增隋書隱逸傳李士謙字子約趙郡平

棘人也李氏宗黨豪盛每至春秋二社必高會極歡無  
不沉醉喧亂嘗集士謙所盛饌盈前而先為設黍謂羣

從曰孔子稱黍五穀之長荀卿亦云食先黍稷古人所  
尚容可違乎少長肅然不敢弛惰退而相謂曰既見君  
子方覺吾徒之不德也

唐書王績傳績有奴婢數人

種黍春秋釀酒養鳧雁蒔藥草自供

山海經廣都之

野后稷葬焉爰有膏黍膏稷註言味好滑如膏 驪頭

之國維宜芑苳穆楊是食註苳黑黍今字從禾 原家

語孔子侍坐於魯哀公設桃具黍公曰以黍雪桃也孔  
子對曰夫黍五穀之長也祭先王以為上盛果有六而

桃為下祭先王不得入於廟丘聞之也君子以賤雪貴  
不聞以貴雪賤今以五穀之長雪瓜蒌之下是侵上忽  
下也

增列子

鄒衍在燕有谷地美而寒不生五穀鄒

子吹律而溫氣至今傳名曰黍谷

原韓子吳起欲攻

秦小亭置一石赤黍於東門外令人能徙於西門外者  
賜之上田宅人爭徙之乃下令曰明日攻秦能先登者  
與之大夫賜之上田宅於是攻之一朝而拔

增韓子

韓昭侯之時黍種嘗貴畝有昭侯令人覆廩廩吏果竊

黍種而糴之

淮南子渭水多力而宜黍

焦氏易林

中田高黍以享王母受福千億所求大得 下田種黍

芳華當齒大雨淋集紛榮滿壅

春秋佐助期 黍神名

倂倂姓蘭郝

春秋說題辭精移火轉生黍夏出秋改

黍者縮也故其立字木入米為黍酒以扶老

東觀漢

紀承宮字少子瑯琊人嘗將妻子入華蓋蒙陰山谷耕

種禾黍臨熟人就認之宮便推與而去由是發名 古

今注和帝元興元年黑黍穗一禾二實或三四實生任

城得粟二斛八斗以薦宗廟

博物志黑墳宜麥黍

紀年書惠成王八年雨黍

文中子藝黍登場歲不過

數石以供祭祀賓客之酒也

談藪王元景大醉楊遵

彥曰何大低昂元景曰黍熟頭低麥熟頭昂黍麥俱有

所以低昂

農桑通訣秬鬯一亩此言黍之為酒尚矣

今有赤黍米黃而黏可蒸食白黍釀酒亞於糯秫又北  
地遠處惟黍可生其莖穗低小可以釀酒又可作饌粥  
黏滑而甘凡祭祀以為上盛貴其色味之美也 原成

化元年天雨黑黍於襄陽

集藻賦

增

晉嵇含孤黍賦

余慎終屋之南榮有孤黍生

焉因泥之濕遭土之潤宿昔芽蘖滋茂甚速塗燥根淺  
忽然萎隕深感此黍不韜種以待時貪榮棄本寄身非  
所自取凋枯不亦宜乎

文賦散句

原漢張協七命

大梁之黍瓊山之禾唐稷播

其根農帝嘗其華

增

劉穎魯都賦

禾黍油油杭族垂

芒殘穗滿握一穎盈箱

魏王粲登樓賦華實蔽野禾

黍盈疇

四言古詩原晉束皙華黍黹黹重雲習習和風黍華陵  
巔麥秀丘中靡田不播九穀斯豐奕奕玄霄濛濛甘  
雷黍發稠華亦挺其秀靡田不植九穀斯茂無高不  
播無下不植芒芒其稼參參其穡穡我王委充我民食  
玉燭陽明顯猷翼翼

詩散句增唐李白東臯春事起種黍早歸田

杜甫耕

田秋雨足禾黍已映道

賴知禾黍收已覺糟床注



原耿漳古道無人行秋風動禾黍  
宋蘇軾今年秋應

熟過從飽雞黍  
金趙元還思釀新黍甕面挹秋江

唐曹鄴黑黍春來釀酒飲青禾刈了驅牛載  
增韋應

物禾黍積東菑  
宋邵雍黃黍秋正熟  
陸游種黍蹋

麴蘖  
唐白居易陶令有田唯種黍  
韋莊主人饋餉

炊紅黍  
宋王安石連山沒雲皆種黍  
陸游黍酒新

成壓小槽

別錄增齊民要術凡黍稌田新開荒為上大豆底為次

穀底為下地必欲熟

再轉乃佳若春夏耕者下種後再勞為良

一畝用子四

升三月上旬種者為上時四月上旬為中時五月上旬

為下時夏種黍稷與植穀同時非夏者大率以椹赤為

候

諺曰椹離離種黍時

燥濕候黃塲種訖不曳捷常記十月十一

月十二月凍樹日種之萬不失一

凍樹者凝霜封著木條也假令月三日凍

樹還以月三日種黍他皆倣此十月凍樹宜早黍十一月凍樹宜中黍十二月凍樹宜晚黍若從十月至正月

皆凍樹者早晚黍悉宜也

苗生隴平即宜耙勞鋤三遍乃止鋒而不

耩

苗晚耩即多折也

刈黍欲早刈黍欲晚

黍晚多零落黍早米不成

皆即濕

踐之稌踐訖即蒸而裹之

不蒸者難舂米碎蒸則易舂米堅香氣經夏不散

黍

宜曬之令燥

濕聚則鬱

凡黍黏者收薄稌味美者亦收薄難

舂 雜陰陽書曰黍生於榆六十日秀秀後四十日成

黍生於巳壯於酉長於戌老於亥死於丑惡於丙午忌

於丑寅卯稌忌於未寅孝經援神契云黑墳宜黍麥尚

書考靈曜云夏火星昏中可以種黍菽 汜勝之書曰

種黍必待暑先夏至二十日此時有雨疆土可種黍一

畝三升黍心未生雨灌其心心傷無實黍心初生畏露

令人對持長索槩去其露日出乃止凡種黍覆土鋤治  
皆如禾法欲疎於禾按疎黍雖科而米黃又多減及空  
令穉雖不科而米白且均熟不減更勝疎者汜氏云欲  
疎於禾其義未聞 崔氏曰四月蠶入簇時雨降可種  
黍禾夏至先後各二日可種黍蟲食李者黍貴也 原  
製用三月三日取黍麴和菜作羹能避時氣黍米性黏  
可釀酒可作飴可蒸煮為糕糜五月五日俗以菰葉裹  
成糉名角黍祭三閭大夫遺製也 合葵菜食成痼疾

合牛肉白酒食生寸白蟲 穰及根煮汁解苦瓠毒浴  
去浮腫 醉臥黍穰令人生厲落眉髮

# 稷

原稷一名稌

六書故云稷稌同聲實一字也本草云稷從畋畋進力治稼也種稷者必畋畋進力

也南人承北音呼稷為稌謂可供祭也

一名粢

爾雅云粢稷疏云粢者稷也

關西謂之

糜

音靡見唐本草

冀北謂之緊

音牽去聲廣雅云緊稌也

苗似蘆莖高三四

尺有毛結子成枝而疎散外有薄殼粒如粟而光滑色  
紅黃米似粟米而稍大色黃鮮麥後先諸米熟炊飯疎

爽香美故以供祭食之益氣安中宜脾利胃涼血解暑  
壓丹石毒屬土脾之穀也脾病宜食多食發冷病 增

本草稷與黍一類二種也黏者為黍不黏者為稷稷可  
作飯黍可釀酒猶稻之有粳與糯也其色有赤白黃黑  
數種黑者禾稍高俗通呼為黍子不復呼為稷矣北邊  
地寒種之有補河西出者顆粒尤硬 廣志 稷有赤白

黑青黃鶯鶯凡五種破減稷逼麥稷此二者以四月熟

齊民要術 按今俗有驢皮稷 博雅 稷穰謂之穰

彙考原詩王風彼稷之苗

小雅我稷翼翼

增禮記

曲禮稷曰明粢疏稷曰明粢者稷粟也明白也言此祭

祀明白粢也

月令孟秋之月農乃登穀註穀謂稷也

周禮天官豕宜稷疏豕宜稷者豕豬味酸牝豬味苦

稷米味甘甘苦相成故曰豕宜稷

隋書天文志稷五

星稷農正也取乎百穀之長以為號也

穆天子傳天

子西征至于赤烏之人獻稌麥百載天子北征入于

曹奴之人獻稌米百車天子西征至于鷄韓氏爰有

樂野溫和祭麥之所草 天子東南翔行馳驅千里至

於巨蒐之人彌奴獻秋麥千車膜稷三十車 原呂氏

春秋飯之美者有陽山之稌 增風俗通米之神為稷

故以癸未日祠稷於西南水勝火為金相也 孝經說

稷者五穀之長五穀衆多不可徧祭故立稷而祭之

尚書考靈曜春鳥星昏中以種稷秋虛星昏中以收斂

白虎通稷者得陰陽中和之氣而用尤多故為長也

獨斷稷神蓋厲山氏之子柱也柱能植百穀帝顓頊



之世舉以為田正天下賴其功周棄亦播植百穀以稷  
五穀之長也因以稷名其神也

齊民要術穀者總名

非止為粟也然今人專以稷為穀俗名之耳

爾雅翼

稷者五穀之長以其中央之穀月令中央土食稷與牛  
五行土為尊故五穀稷為長

兼明書或問曰稷既百

穀之神不言穀而云稷者何也答曰稷屬土而為諸穀  
之長故月令謂之首種首種者種最在前也諸穀不可  
徧舉故舉其長而為言之以等之也若直以穀言則為

人所褻慢也

別錄增兩鈔摘腴毛詩傳注先集維霰曰霰稷雪也或  
謂之米雪謂其粒若稷米然本草衍義穠米其香可

愛故取以供祭祀然發故疾只堪作飯不黏其味淡

原稷三月種耘四遍七月熟四五月亦可種但收少遲  
耳刈稷欲早八九月熟便刈少遲遇風即落忌與瓠  
子附子同食

蜀黍

原蜀黍一名蜀秫

種自蜀來故以蜀為名農政全書云其黏者近秫故借名為秫

一名

蘆稌一名蘆粟一名高粱

形類黍稷而高大如蘆荻故有諸名

一名木稷

一名荻梁

廣雅云荻梁木稷也

種宜卑下地春月早種得子多秋

收莖麤高丈餘狀似蘆荻而內實葉亦似蘆穗大如帚

粒大如椒紅黑色米性堅實黃赤色熟時先刈其穗楷

成束攢而立之方得乾米有二種黏者可和糯秫釀酒

作餌不黏者可作糕煮粥可濟飢亦可養畜莖可織箔

編席夾籬供爨梢可作筴帚殼浸水色紅可以紅酒有

利於民者最博性溫澀溫中澀腸胃止泄瀉

彙考增博物志三年種蜀黍其後七年多虵

別錄增農政全書玄扈先生曰蜀秫在北方地不宜麥

禾者乃種此尤宜下地立秋後五日雖水潦至一丈深  
不能壞之立秋前水至即壞故北土築堤二三尺以禦  
暴水

附錄玉蜀黍原作御麥附麥後按御麥乃  
別名實蜀黍類也今移入此

原玉蜀黍一名玉高粱一名戎菽一名御麥

以其曾經  
進御故名

御麥出西番舊名番麥按農政全書又作玉米玄扈先生曰玉米或稱玉麥或稱玉蜀秫從他方得種其曰米麥秫皆幹葉類蜀黍而肥矮亦似薏苡苗高三四尺六七月開花成穗如批麥狀苗心別出一苞如梭魚形苞上出鬚如紅絨垂垂久則苞拆子出顆顆攢簇子粒如芡實大而瑩白花開於頂實結於節

## 粟

**原粟**

古作粟象穗在禾上之形說文云粟之為言續也續於穀也

**梁屬也**

蓋梁之細者本草云

穗大而毛長粒麤者為梁穗小而毛短粒細者為粟

**北方直名之曰穀脫殼則謂**

之小米

增本草粟一名秬粟古以粟為黍稷梁秬之

總稱而今之粟在古但呼為梁後人乃專以梁之細者  
名粟大抵黏者為秬不黏者為粟故呼此為秬粟以別  
秬而配秠 原稈高三四尺似蜀秬稈中空有節細而  
矮葉似蘆小而有毛穗似蒲有毛顆粒成簇性鹹淡養  
脾胃補虛損益丹田利小便解熱毒陳者尤良北人日  
用不可缺者諺云穀三千一穗之實至三千顆言多也  
其名或因姓氏地里或因形似時令早則有趕麥黃百

日糧六十日還倉之類中則有八月黃老軍頭之類晚則有鴈頭青寒露粟鐵鞭頭之類又有梁穀滑穀白穀白穀黃米黃穀白米之類

增廣志有赤粟白莖有黑

格雀粟有張公斑有含黃有蒼背稷有雪白粟亦名白粟又有白藍下竹頭青白遼麥擢石精狗蹠之名種云

齊民要術朱穀高居黃劉猪獬道愍黃聒穀黃雀懊黃續命黃百日糧有起婦黃辱稻糧奴子場音加支穀焦金黃鷓鴣合履今一名麥爭場此十四種早熟耐旱

免蟲聒穀黃辱稻糧二種味美今墮車下馬看白羣羊  
懸蛇赤尾龍虎黃雀民溱馬洩疆劉猪赤李谷黃河摩  
糧東海黃石駙歲青莖青黑好黃陌南木隈隄黃宋黃  
癡指張黃兔肱青惠日黃寫風赤一覲黃山醴頓黨黃  
此二十四種穗皆有毛耐風免雀暴寶珠黃俗得白張  
鄰黃白醴穀鉤於黃張蟻白耿虎黃都奴赤茄蘆黃薰  
猪赤魏爽黃白莖青竹根黃調母梁磊礮黃劉沙白憎  
延黃赤梁穀靈忽黃獺尾青續得黃得容青孫延黃猪



矢青烟熏黃樂婢青平壽黃鹿櫛白醯折作黃稗粢阿  
居黃赤巴梁鹿蹄黃鉞狗倉可憐黃米谷鹿櫛青阿返  
此三十八種中麤大穀白醯穀調母梁二種味美擇谷  
青阿居黃猪矢青有二種味惡黃稗粢樂婢青二種易  
舂石柳閱竹葉青一名胡谷水黑穀忽泥青衝天棒雉  
子青鴟脚穀雁頭青攬堆黃青子規此十種晚熟耐蟲  
災則盡矣

彙考原左傳襄公二十九年鄭子展卒子皮即位於是

鄭饑而未及麥民病子皮以子展之命餽國人粟戶一

鍾 晉書孝友傳劉殷夢人曰西籬下有粟寤而掘之

果得粟十五鍾銘曰七年粟賜孝子劉殷 宋書符瑞

志文帝元嘉二十二年醴湖屯生瑞粟一莖九穗 增

宋史食貨志初農時太宗嘗令取畿內青苗觀之聽政

之次出示近臣是歲畿內菽粟苗皆長數尺帝顧謂左

右曰朕每念耕稼之勤苟非兵食所資固當盡復其租

稅 管子桓公觀於野曰何物可比君子之德隰朋曰

粟可比君子之德管仲曰苗始出生也眴眴乎似孺子  
安之則安不得則危命之曰禾可比君子桓公曰善

原韓非子鄒穆公有令食鳧雁者必以秕無敢以粟鳧  
雁無食而以一石粟易一石秕其費甚矣請以粟食之  
公曰非爾所知也夫百姓餉牛而耕曝背而耘勤而不  
敢惰者豈為鳥獸食哉粟米人之上食也奈何以養鳥  
汝知小計而不知大害矣淮南子昔者倉頡作書而

天雨粟增風俗通燕太子丹仰天歎天為雨粟焦

氏易林新田宜粟上農得穀君子懷德以千百福 春

秋說題辭 粟助陽扶性粟之為言續也粟五變一變而

以陽生為苗二變而秀為禾三變而祭然謂之粟四變  
入白米出甲五變而蒸飯可食陽以一立為法故粟積  
大一分穗長一尺文以七列精以五六立故其字為粟  
西者金所立米者陽精故西字合米而為粟 博物志

雁食粟則翼重不能飛 古今注 武帝建元四年天雨

粟 宣帝地節三年長安雨黑粟 元帝竟寧元年山

都縣雨粟色青黑味苦大者如小豆小者如麻子 拾

遺記樂浪之東有背明之國宜種百穀有搖枝粟其枝  
長而弱無風常搖食之益髓有鳳冠粟似鳳鳥之冠食  
者多力有游龍粟葉屈曲似游龍也有瓊膏粟白如銀  
食此二粟令人骨輕 員嶠山一名環丘上有方湖周  
迴千里多大鵲高一丈銜不周之粟粟穗高三丈粒皎  
如玉鵲銜粟飛於中國故世俗間往往有之其粟食之  
歷月不饑故呂氏春秋云粟之美者有不周之粟焉

述異記宋文帝即位而江表二千餘里野粟生焉 原

唐紀宣宗大中二年福建進瑞粟十五莖莖五六穗

增全唐詩話李紳初以古風求知於呂溫溫見齊煦誦

憫農詩曰春種一粒粟秋收萬顆子四海無閒田農夫  
猶餓死鋤禾日當午汗滴禾下土誰知盤中飧粒粒皆  
辛苦曰此人必為卿相果如其言 泉州志紫帽山有

金粟洞宋李邕云唐時泉人客洛陽邂逅一羽衣寄書  
紫帽隱者既歸授書遺以粟米半升還家視之金粟也

宋寧宗御書金粟之洞四字刻於石

集藻七言律詩增宋朱子次秀野種粟韻阿香一笑走  
豐隆雨徧平疇萬頃中舊喜樊遲知學圃今看許子快  
論功遙憐鬱鬱翻秋隴預想垂垂弄晚風珍重詩翁且  
强健東阡南陌興無窮

詩散句增唐李白雖有數斗玉不如一盤粟韓愈困

倉穀粟滿未有旦夕憂杜甫瘦地翻宜粟方干春

粟引高泉宋陸游雲嶼鋤畬粟唐杜甫鳥雀苦肥

秋粟菽

梁

按梁與粟一類二種原譜於粟部內獨載青梁一種者非今從本草增入又按爾雅藿赤苗註云今之赤梁粟芑白苗註云今之白梁粟藿同糜詩大雅維糜維芑傳用爾雅疏亦引郭註以解之自蘇頌圖經本草列於黍部李時珍本草綱目因之而遂辨郭註為非誤矣

增本草

梁

梁者良也穀之良者也

即粟也

周禮九穀六穀之名有梁無粟

自漢以

後始以大而毛長者為梁細而毛短者為粟今則通呼為粟而梁之名反隱矣今世俗稱粟中之大穗長芒麤粒而有紅毛白毛黃毛之品者即梁也蘇恭曰黃梁蜀出



漢商浙間穗大毛長穀米俱麤于白梁而收子  
少不耐水旱食之香美勝于諸梁人號竹根黃  
白梁穗多毛且長而穀麤扁長不似粟圓也  
米亦白而大食之香美亞于黃梁  
青而細于黃白梁粒似青稞而少麤早熟而收薄夏月  
食之極為清涼但味短色惡不如黃白梁北人少種之  
作飭清白  
勝于餘米  
廣志有具梁解梁有遼東赤梁魏武帝常

以作粥

彙考增禮記曲禮

梁曰薌其疏梁曰薌其者梁謂白梁

黃梁也其語助也

周禮天官

犬宜梁疏犬宜梁者犬

味酸而溫梁米味甘而微寒氣味相成故云犬宜梁

集藻五言律詩原唐杜甫佐還山後寄一首白露黃梁  
熟分張素有期已應春得細頗覺寄來遲味豈同金菊  
香宜配綠葵老人他日愛正想滑流匙

詩散句增唐杜甫新炊間黃梁

別錄原種穀地欲肥耕欲細欲深秋耕更佳種欲成實  
不祇用臘雪水浸過耐旱辟蟲時欲仲春得雨為妙小  
雨欲接濕大雨須俟少乾先耙後種種後旋以石砘砘  
令土堅則苗出旺相遇天旱苗出土仍砘春種欲深

夏種欲淺早禾晚禾欲兼種防歲有所宜一云閏月年  
宜晚田然大率宜早早田收多於晚早田淨而易治晚  
者蕪穢難治且早穀米實而多晚穀皮厚米少而虛行  
欲稀諺云稀穀大穗來年好麥

鋤穀鋤以三遍四遍

為度第一遍曰撮苗留苗欲密第二遍曰定科留其壯  
者去其密者弱者第三遍曰擁本鋤欲深擁其土以護  
根則耐旱第四遍曰復壟俗名添米五穀惟小鋤為良  
苗出壟則深鋤鋤不厭數周而復始勿以無草而怠功

鋤者非止去草蓋地熟而實多糠薄而米美鋤得十遍  
可得八米春鋤起地夏鋤除草春鋤不用觸濕六月以  
後雖濕亦無嫌

刈穀

食貨志云力耕數耘收穫如盜

賊之至故熟速刈乾速積刈早則傷鎌刈晚則折穗遇  
風則收減濕積則藁爛積晚則粒耗連雨則生耳所以  
收穫不可緩也收穫者農事之終務本者可怠焉而自  
棄其前功乎

積穀

周禮地官曰舍人掌粟入之藏註

曰九穀俱藏以粟為主神農之教曰有石城十仞湯池

百步帶甲百萬而無粟弗能守也北方水土深厚窖地而藏可數十年不壞

秣

按秣與粟同類異種原譜言粟而不及秣今從本草增入

增爾雅衆

音終秣

注

謂黏粟也

疏

與穀相似其莖桿似禾

而麤大者是也

本草秣一名糯秣一名糯粟一名黃

糯

秣字篆文象其禾體柔弱之形俗呼糯粟北人呼為黃糯亦曰黃米釀酒劣於糯也

蘇恭曰凡

黍稷粟秣稷糯三穀皆有私糯也李時珍曰秣即梁米粟米之黏者有赤白黃三色皆可釀酒圖經謂秣為黍

之黏者說文謂秫為稷之黏者古今注謂秫為稻之黏者皆誤也惟蘇恭以粟秫分秬糯孫炎注爾雅謂秫為黏粟者得之 廣志有胡秫早熟及麥 齊民要術按今世有黃粱穀秫桑根秫櫨天培秫也

彙考增晉書孔羣傳羣性嗜酒嘗與親友書云今年田得七百石秫米不足了麴蘖事 燕翼貽謀錄宋种放有別墅在終南山聚徒講學性嗜酒種秫自釀林泉之景頗為幽勝真宗聞之欲幸其家而不果咸平六年遣

使畫圖以進

澄懷錄種明逸嗜酒嘗種秫自釀曰空

山清寂聊以養和自號雲溪醉侯

聞奇錄徐庭實巡

官說乾符中武義縣有人入山掘地二尺忽陷丈餘深  
數尺收得秫百斛莫知其由將醞酒其味濃厚

詩散句增晉陶潛春秫作美酒酒熟吾自斟

宋陸游

供秫借留客

元方夔種秫田多早帶秋

附錄  
穆子

原穆子一名龍爪栗一名鴨爪稗

本草云穆乃不黏之稱亦不實之貌龍爪

鴨爪象北地荒坡處種之苗葉似穀至頂抽莖有三稜其形也開細花簇簇結穗如粟穗而分數歧如鷹爪之狀內有細子如黍粒而細褐色味澀稈甚薄碾米煮粥炊飯磨麵蒸食皆宜可救荒

附稊稗  
錄

增爾雅稊茨汪稊似稗布地生穢草疏似稗之穢草也爾雅翼稊與稗二物也皆有米而細小本草稗乃禾之卑賤者也故字從卑陳藏器曰有二種一黃白色一



紫黑色紫黑者似芑有毛北人呼為烏禾 原稗野生

苗葉似稭子色深綠根下葉蒂紫色梢頭出扁穗結子  
如黍粒茶褐色味微苦用與稭子同食之益氣宜脾故  
曹植有芳菲精稗之稱苗根治金瘡及損傷血出不已  
搗敷即止甚驗每一斗得米三升稭苗似稗而穗如粟有  
紫毛即烏禾也可救荒又可殺蟲煮以沃地螻蛄皆死  
彙考增孟子五穀者種之美者也苟為不熟不如莢稗

莊子道在稭稗 原淮南子離先稻熟而農夫薊之不以

小利傷大獲也注離與稻相似增江表傳吳五鳳元

年交趾稗草化為稻三峽考峽內隙地沙土宜黍稷

菽麥獨不宜杭秫耳又一種自滇中来者曰雲南稗曰雁

爪稗以形似名亦播種畦植與五穀爭價東南所無也

集藻七言古詩增元方回種稗歎農田插秧綠時稻

中有稗農未知稻苗欲秀稗先出拔稗飼牛惟恐遲今

年湖西田沒水却向湖東糴稗子一斗稗子價幾何已

值去年三斗米天災使然膺勝真馬得世間無稗人

別錄增汜勝之書稗既堪水旱種無不熟之時又特滋  
茂良田畝得二三十斛魏武使典農種之頃收二千斛  
斛得米三四斗釀酒甚美釀炊食不減粟米可備荒稗  
稗一畝則當稻稗二畝宜擇其秬長而粒大種之倘遇  
水旱便可多種亦救荒之一助

附錄  
稗

增爾雅稂童梁注稂莠類也疏今人謂之宿田翁或謂  
之守田也說文稂禾秀之穗生而不成者謂之董節

爾雅翼 稂惡草與禾相雜

本草一名狼尾草

爾雅云孟

狼尾註云似茅可以覆屋本草拾遺謂即此物按爾雅已釋稂曰童梁果為一物不當重出也姑存之以備考

陳藏器曰生澤地似茅作穗廣志云子可作黍食李時珍曰莖葉穗粒並如粟而穗色紫黃有毛荒年亦可采食

彙考增詩曹風

冽彼下泉浸彼苞稂

小雅不稂不莠

韓詩外傳馬不過稂莠

附錄 蔞草

增爾雅皇守田注似燕麥子如雕胡米可食生廢田中

一名守氣

爾雅翼茵米可為飯生水田中苗子似小

麥而小四月熟久食不饑爾雅所謂皇守田也

附錄荊草

增爾雅翼荊草子堪食如秔米

附錄東廬

增廣志東廬色青黑粒如葵子似蓬草色青黑十一月

熟出幽涼并烏丸地

魏書烏丸地宜東廬似稌可作

白酒 本草 東廬生河西河西人語云貸我東廬償爾  
田梁

附錄 梁禾

增本草 李時珍曰廣志云梁禾蔓生其子如葵子其米  
粉白如麴可作饘粥六月種九月收牛食之尤肥此亦  
一穀似東廬者也

附錄 節草

增本草 節草一名自然穀一名禹餘糧言禹治水棄其

餘糧化而為此

詳見後博物志

寇珣曰蒚實如毬子八月收之

海上民常食中國未嘗見也李時珍曰方孝孺有海米

行亦蒚草之類也

彙考增博物志扶海洲上有草名曰蒚其實如大麥從

七月熟民斂穫至冬乃訖名曰自然穀或曰禹餘糧

集藻七言古詩增明方孝孺海米行海邊有草名海米

大非蓬蒿小非薺婦女攜籃晝作羣采摘聊於海中洗  
歸來滌釜燒松枝煮米為飯充朝饑莫辭苦澁咽不下

性命聊假須臾時

附錄感禾

增齊民要術感禾扶疎生實似大麥

附錄楊禾

增齊民要術楊禾似藿粒細左折右炊停則牙生

附錄火禾

增齊民要術火禾高丈餘子如小豆出粟特國

附錄木禾



增山海經崑崙墟上有木禾長五尋大五圍

彙考增穆天子傳天子東征至於重鰓氏黑水之阿爰有野麥爰有荅董西膜之所謂木禾重鰓氏之所食

嘉禾

按詩注黍稷稻粱皆名為禾麻與菽麥則無禾稱傳稱嘉禾皆統言之故另列於諸穀之

後

原瑞應圖嘉禾五穀之長盛德之精也文者異本而同秀質者同本而異秀此夏殷時嘉禾也  
晉徵祥說王者盛德則嘉禾生嘉禾者仁卉也其大盈箱一稔二米

增孝經援神契德下至地則嘉禾生

春秋運斗樞

璇星明則嘉禾液

春秋感應符日下淪於地則嘉禾

興春秋說題辭

天文以七列星以五故嘉禾之滋莖

長五尺五七三十五神盛故連莖三十五穗以成盛德  
禾之極也

彙考原書大傳成王時有苗異莖而生同為一穗人有  
上之者王召周公而問之公曰三苗為一穗抑天下其  
合為一乎增史記魯周公世家唐叔得禾異畝同穎

獻之成王成王命唐叔以餽周公於東土作餽禾周公  
既受命禾嘉天子命作嘉禾

前漢書宣帝紀神爵元

年詔曰嘉穀玄稷降於郡國

郊祀志王莽使中郎平

憲誘羌還云天下太平一禾長丈餘故乞內屬

後漢

書鄭玄傳玄年十六號神童民有獻嘉禾者欲表府文

辭鄙略玄為改作又著頌一篇侯相高其才而修冠禮

馬南蠻傳順桓之世板楯數反太守蜀郡趙溫恩信

降服於是宕渠出九穗之禾吳志孫權傳黃龍三年

由拳野稻自生改為禾興縣 南始平言嘉禾生改明

年嘉禾元年 赤烏七年秋宛陵言嘉禾生 宋書符

瑞志漢安帝延光二年六月嘉禾生九真百十六本七

百六十八穗 宋文帝元嘉十一年八月嘉禾一莖九

穗生北汝陰 二十二年六月嘉禾生藉田一莖九穗

嘉禾生華林園百六十穗 二十四年七月嘉禾旅

生華林園及景陽山江夏王義恭獻嘉禾甘露頌中領

軍吉陽縣侯沈演之上嘉禾頌 二十五年六月嘉禾

生華林園十株七百穗 孝武帝大明元年五月嘉禾  
一株五莖生清暑殿鵠尾中 嘉禾生青州異根同穗

南齊書祥瑞志 永明元年正月新蔡郡獲嘉禾一莖

五穗 八月新蔡縣獲嘉禾二莖九穗一莖七穗 二

年八月梁郡睢陽縣界野田中獲嘉禾一莖二十三穗

魏書許謙傳 謙子洛陽為雁門太守家田三生嘉禾

皆異瓏合穎太祖善之進爵北地公加鎮南將軍 隋

書循吏傳 梁彥光為岐州刺史甚有惠政嘉禾連理出

於州境開皇二年上幸岐州悅其能賜粟五百斛物三百段御傘一枚

南史梁宗室傳始興忠武王憺子暎

為吳興太守郡累不稔中大通三年野穀生武康凡二十二處自此豐穰暎製嘉穀頌以聞

舊唐書五行志

元和七年十一月龍州武安川會田中嘉禾生有麟食之復生麟之來一鹿引之羣鹿隨之光華不可正視使畫工圖麟及嘉禾來獻

新唐書代宗本紀乾元元年

四月立為皇太子初太子生之歲豫州獻嘉禾於是以

為祥乃更名豫

宋史理宗本紀景定元年建陽縣嘉

禾生一本十五穗詔改建陽為嘉禾縣

遼史道宗本

紀太康三年九月玉田貢嘉禾

金史世宗本紀大定

二十四年正月辛卯真定進嘉禾二本六莖異畝同穎

五行志宣宗興定元年七月癸卯大社壇產嘉禾一

莖十五穗十月丹州進嘉禾異畝同穎熙宗皇統

四年正月乙丑陝西進嘉禾十二莖一本七穎山海

經崑崙墟有禾末長五尋

穆天子傳口山是唯天下

之良山也寶玉之所在嘉穀生之草木碩美天子於是

取嘉禾以歸樹於中國 瑞應圖舜時后稷播植天降

秬秠故詩曰天降嘉種惟秬惟秠 東觀漢紀光武以

建平元年生於濟陽縣是歲有嘉禾生一莖九穗大於

凡禾縣界大熟因名上曰秀 原古今注漢魯恭拜中

牟令嘉禾生恭庭中 增會稽典錄謝承遷吳郡督郵

歲穰嘉禾六穗生於部屬 拾遺記炎帝始教民耒耜

躬勤畝畝之事時有丹雀銜九穗禾其墜地者帝乃拾



之以植於田食者老而不死 周成王五年有因祗之  
國丈夫勤於耕稼一日鋤十頃之地貢嘉禾一莖盈車  
故時俗四言詩曰力勤十頃能致嘉穎 燕昭王時有  
白鸞孤翔銜千莖穗於空中自生花實落地則生根  
葉一歲百獲一莖滿車故曰盈車嘉穗 崑崙山者西  
方曰須彌山上有九層第三層有禾穗一株滿車 續  
搜神記廬陵巴丘人文冕者世以田作為業秋收已過  
獲刈都畢明旦至田禾復湛然如先即便獲所獲盈倉

而巨富 大業拾遺錄七年九月太原郡有獻禾一本

三穗長八尺穗長三尺五寸大尺圍芒穗皆紫色鮮明  
自禾以上三尺餘亦紫色有老人年八十餘以素木匣  
盛之賜物三十段 西域記天竺國禾之長者沒索駝

酉陽雜俎

婚禮納采有合驪嘉禾嘉禾分福也 原

唐紀代宗永泰元年秋京兆府上言鄠縣嘉禾生穗長  
一尺餘穗上粒重疊如連珠 郭子儀上言寧朔縣界  
荒地十五里有黑禾偶生徧地掃盡經宿復生其禾圓

實味甘美

增湧幢小品

正德六年如臯縣嘉禾一本

有至百莖者其一本二十莖者尤多

原平陽縣志萬

厯辛卯縣民有田六畝同時插秧中三畝勃然奮發五

日即結穀收成縣以為嘉穀先登豐年大瑞

增揭陽

縣志嘉靖十年龍溪士人莊守德田稻一莖五穗以為

嘉禾獻於府知府丘其仁藏諸庫

集藻表增唐張說為留守奏嘉禾表臣聞天聽自人神

和在德代非乏瑞罕遇開泰之期福不虛徵必俟休明

之主伏惟皇帝陛下仁覆萬靈孝理四海政每先於帝  
籍役不紊於農時嘉氣橫游祥風紛灑騰文煒色九光  
連合於貞明逸輩殊倫百寶駢滋於動植臣今日奉  
進旨告望鳳臺慶山醴泉之瑞其日於山陵東栢城內  
得嘉禾一本臣初見衆苗亘壟香穎垂秋嘉玩繁滋欲  
觀成粒左右無識折以呈臣異其綠葉綬舒葱芒璧秀  
熟視竒狀乃知嘉祥下則異畝合莖上又同連雙穗昔  
雍熙之代政理之君雖導出應時而生不擇地未有託

根神域彰孝德之能深吐秀壽宮助梁盛之豐潔此盖  
睿誠通感靈祐降祥中古以來未覩斯美臣籍慶宗枝  
久沐星潢之潤躬持瑞穎預奉天保之符忭悅之誠倍  
兼恒品 符載廬州進嘉禾表臣某言得廬州刺史裴  
靖狀稱巢縣百姓唐海母喪廬墓手自耕植以備祠祭  
無何於粟田之中輒產嘉禾一本六穗一本五穗即時  
差錄事叅軍朱寧丁寧考驗事狀明白臣聞感天地者  
存乎誠通神明者極乎孝蘊而為精粹發而為禎祥上

玄與之獻酬后土為之泄露故使騰芳高隴擢穎清秋  
冠九穀之英英增大田之藹藹此皆陛下聖德茂鴻化  
洽名教生人之內有淳孝靈瑞之下有嘉禾邁風烈於  
前王煥丹青於唐史不然何幽贊玄答其若是乎臣猥  
以鈍劣祇守風土宣陛下之恩澤撫陛下之庶眚覩茲  
盛美光榮耳目不勝歡忭踴躍之至

權德輿嘉禾合

穗表伏見武俊所奏恒州鼓城縣生嘉禾一本合穗又  
盧徵奏華州鄭縣獲嘉禾一穗者謹按孫氏瑞應圖曰

嘉禾者五穀之長王者德茂則生伏惟陛下德叶玄功  
仁育生類同穎擢秀殊祥並時昔周道既昌唐叔以獻  
表天下和平之兆為陰陽訢合之符五穀登成百嘉儲  
祉發於厚載集是休徵況嶽鎮之方表章繼至感通昭  
晰莫甚於斯臣等忝列台司喜倍恒品

柳宗元賀嘉

禾表今月某日宰臣以幽州所進嘉禾圖各一軸示百  
寮者伏以嘉穀順成靈貺昭格天人合應遐邇同心伏  
惟皇帝陛下睿謀廣運神化旁行植物知仁祥圖應聖

靈嶽不愆於贊佑燕谷用遂於生成豐稔隨均知朔南  
之被澤休嘉克叶見天地之同和六穗慚稱於漢臣異  
畝恥書於周典自中形外均慶同歡臣謬職憲司獲覩  
嘉瑞無任抃躍之至

禮部賀嘉禾及芝草表伏見今

月某日內出劍南所進嘉禾圖及陝州所進紫芝草示  
百寮者珍圖煥開瑞彩交映遐邇偕至福應攸同伏惟  
皇帝陛下緝熙至道保合太和天惟發祥地不愛寶嘉  
禾擢質靈草抽英獻于王庭唐叔慚同穎之異薦諸郊



廟班史謝連葉之奇既呈疑疑之祥更覩煌煌之秀豐  
年斯著聖壽用彰飲和之人歡忭無極臣等優游至化  
披翫殊姿慶忭之誠倍百恒品

張仲素賀嘉禾表伏

見鄆州東平縣官莊地内有禾異壠雙本合成一穗畫  
圖奏進傳示百寮者謹按瑞應圖曰王者德茂而太平  
君臣和則嘉禾朱草以甲萌言不得中和之氣即不生  
也伏惟陛下鼓和風茂休應泰階平於上下大中建於  
人臣神明是若徵見必報通彼殊壠總其雙莖滋大澤

以冥造成嘉穗而薦和合為一彰至化之會同堅而好  
表資生之豐實推物類以得天意觀繪事而擬靈篇凡  
在班行咸同慶幸

狀增唐韓愈奏汴州得嘉禾嘉瓜狀謹按符瑞圖王者  
德至於地則嘉禾生伏惟皇帝陛下道合天地恩霑動  
植邇無不協遠無不賓神人以和風雨咸若前件嘉禾  
等或兩根並植一穗連房或延蔓敷榮異實共蒂既叶  
和同之慶又標豐稔之祥感自皇恩微莖何極於造化

親逢嘉瑞小臣喜遇於休明

謳增魏曹植穀謳於穆聖皇仁暢惠渥辭獻減膳以服  
鰥獨和氣致祥時雨灑沃野草萌芽變化嘉穀猗猗  
嘉禾惟穀之精其洪盈箱協穗殊莖昔生周朝今植魏  
廷獻之廟堂以昭祖靈

頌增宋劉義恭嘉禾頌并表臣聞居高聽卑上帝之功  
天且弗違聖王之德故能影響二儀甄陶萬有鑒觀今  
古採驗圖緯未有道闕化虧而禎物著明者也自皇運

受終辰曜交和是以卉木表靈山淵効寶伏惟陛下體  
乾統極休符襲逮若乃鳳儀西郊龍見東邑海酋獻改  
緇之羽河祇開侯清之源三代象德不能過也有幽必  
闡無遠弗屆重譯歲至休瑞日臻前者躬籍南畝嘉穀  
乃植神明之應在斯尤盛四海既穆五民樂業思述汾  
陽經始靈囿蘭林甫樹嘉露頻流板築初就祥穰如積  
太平之符於是乎在臣以寡立承乏槐鉉浴沐芳津預  
睹冥慶不勝忭舞之情謹上嘉禾甘露頌一篇不足稱

揚美烈追用悚汗頌曰二象攸分三靈樂主齊應合從  
在今猶古天道誰親惟仁斯輔皇功帝績理冠區宇四  
民均極我后體茲惟機惟神敬昭文思九族既睦萬邦  
允釐德以位叙道致雍熙於穆不已顯允東儲生知夙  
叡嶽茂淵虛因心則哲令問弘敷繼徽下武儼景辰居  
軒制合宮漢興未央矧伊聖朝九有已康率由舊典思  
燭前王乃造陵霄遂作景陽有藹景陽天淵之渙清暑  
爽立雲堂特起植類斯育動類斯止極望江波遍對嶽

峙化德惟達休瑞惟懋誕降嘉種呈祚初構甘露春凝  
禎穰秋秀於今匪烈嗣歲仍富昔在放勲歷英數朝降  
及重華倚扇清庖鑠矣皇慶比物競昭倫彼典策被此  
風謠資臣六蔽任兼兩司既慙仲袞又慚鄭緇豈忘衡  
泌樂道明時敢述休祉愧闕令辭

沈演之嘉禾頌煥

炳禎圖昭晰瑞典運傾方閔時亨始顯綈狀既章鳥文  
斯辨於皇聖辟承物紀遠明兩辰麗昌輝天衍理妙  
位崇事神業盛淵渥德澤虛寂道政協化安心調樂移

性玉衡從體瑤光得正臣星垂采景雲立慶極仁所  
被罔幽不攘至和所感靡況弗彰駕出丹穴鸚起西廂  
白鹿踰海素鳥越江結響穹陰儀形鐘陽治人奉天  
迺勤迺格儻耜俶載高廩已積嘉禾重穆甘露流液擢  
秀辰畦揚穎角澤離穗合豪榮區蔭斤盈箱徵殷貫  
桑表周今我大宋靈貺綢繆帝終撫謙繹思勿休躬薦  
宗廟溫恭率由降福以誠孝享虔羞頒祉推功登徽  
觀詔恩覃隱顯賞延荒徼河濶海夷山華嶽耀憬琛寶

賁兼澤委效日表地外改服請教 茂對盛時綏萬屢  
豐厭厭歸素秩秩大同上藏諸用下知所從仰式王度  
俯歌南風鴻名稱首永保無窮

贊增漢鄭玄婚禮謁文贊 嘉禾為穀班祿是宜吐秀五  
七乃名為嘉

賦增唐潘炎嘉禾合穗賦并序景龍二年秋八月屬縣  
長子有嘉禾合穗瑞不虛月侯其偉而乃賦曰天祚明  
德兮降之嘉生案彼靈篇兮莫之與京脉震土膏且分



苗於南畝駟臨天漢爰合穗以西成當元后之歷試表  
休徵於太平不莠不稂實堅實阜引薰風於和氣永湛  
露於蒼昊生非百里驗管仲之虛辭出異崑山自我皇  
之所寶在瑞圖之右為曠代之祥唐叔得之而合穎周  
成得之以充箱雙米一稔稱之表異孤莖六穗頌以非  
常今也尤盛居然允臧轉風而屢騰佳氣就日而交見  
祥光獨天不生託厚載於富媪非聖不感効元符於我  
皇我皇得之熾而昌風之起兮雲之揚嘉禾之瑞未可

量天子億載臨萬方

張真祥嘉禾合穎賦 南山之下

兮無人之境力穡此中兮均夫躁靜勞則不憚既寒耕而熱耘慶有所歸忽異畝而同穎莖駢惜芄芄之色秀合垂萑萑之影此焉觀瑞亦祇以異比於木乃連理之祥在於人蓋同心之義稭已聞於二米莖乃殊於九穗豈非德之能及實聖朝之所致爰考休徵豐年是憑麥兩岐而能匹茅三脊而徒稱固神倉之可貯期郊廟之以升欲薦堯階且聞程程之獲將登神膳遂入煇煇之

烝天道玄默瑞以表德豈無沃土而光於我家豈無異  
方而祚此王國不有嘉生孰謂賓榮友弼之心因取興  
於連茹兄弟之樂遂作戒於分荆佇聞唐叔之獻頌我  
后之升平

趙蕃甸人獻嘉禾賦

聖上崇國本致時康

動玄象之昭鑒產嘉禾而應祥甸人於是具畚鍤修封  
疆啓芳穎於修畛薦靈姿於我皇懿夫挺拔自分連拳  
相接始穰穰而齊實終矯矯而異葉殊其本均二氣以  
發生同乎心表一德之和協不然者寧擢秀於墳衍載

具美於圖牒徵其瑞質稽彼大同見芬敷而共貫信縈  
結以交通則知合乎帝道發自天功合穗之珍方將效  
祉於今日異畝之美豈獨標奇於古風於是野老歡心  
田夫盡力宛移根於沃壤之際俄發耀於丹墀之側祥  
煙近拂乍疑連理之形喜氣傍臨更辨合歡之色彌彰  
執契之道載助惟馨之德爾其天鑒非遠神珍是呈始  
若亭而間出終天矯而曲成豈比躬稼之時盡化晉君  
之草挺生之歲克符漢帝之名向令質委離披孤生萃

尊安得臨玉砌邇龍袞設種桂之萌芽為理化之根本  
是知六府惟序萬邦式孚茅三脊而非偶獸共觝而自  
殊未若耀青芳於近甸垂嘉貺於靈圖况復聖慮彌深  
皇猷思永梯山航海未足契其休光菲食卑宮將欲示  
其豐省斯所謂騰茂實於厚地故薦穗於重穎 明沈  
鯉嘉禾賦 惟帝籍之千畝接宸極之宮牆翕垓埏之瑞  
煒穆元辰於孟陽萃坤靈而厚載孕扶輿以發祥錯龍  
鱗於原隰布鏤刻於滕疆沁玉河之沃潤浥金露之膏

讓拓周臺之靈囿陋漢苑之朱堂感華胥於禁寓闢融  
澤於扶桑禱農祥於地后震瘳憤於天房蓋聖朝之所  
以先稼穡備蒸嘗展一人之孝思而關社稷之靈長者  
也粵惟我皇踐祚闡坤握乾仁直義滅聖恩廣淵契七  
月之精蘊領無逸之真詮振天明而育德躬豐服於明  
裡履桑林而簡器望三素以祈年當東作之平秩舉大  
典於籍田親秉耒以三推御慈輶於青氍命后稷以播  
穀簡伯禹以疏泉班保介而終畝勞百辟於肆筵布陽

和於九有暢聖澤於八埏爾乃精忱上達協氣旁通瑞  
祉迸臻靈貺雲從沴氛神禦寶露時融宜暑宜寒十雨  
五風將及我私先急我公我黍翼翼我稷芄芄既庭且  
碩實大以豐乃有嘉禾秀擢蒙茸或一本而多歧或數  
穗而同莖引瑤風以幻質濯玉瀝而凝精陸離離以綴  
雷曄采采以含英溶丹樾之芳潔燦瓊藥之晶熒秉五  
七之恒德挺九穗之奇禎纍連珠而合穎壹金玉而本  
生需休符於甘雨銜滋液於璇星毓祥柯以五變耀泰

運於九莖天施雨而匪瑞日淪地而有徵譬禮義之多  
富獵龍鳳之異名軼幽谷之蘭茝掩玄圃之松苓彼紫  
麻綠苣豈嘉禾之與埒而碧麥靈苗詎並蔚而爭榮若  
夫粟雨炎帝瑞發軒轅陶虞異穰魯史書年成周合穗  
唐叔命篇字成雨於蒼頡穎頌著於鄭玄拳野產之而  
名邑赤烏因之以改元外此而朱萸歷於堯陞紫萸茁  
於太原秀騰濟陰之境旅生建武之年稻孫揚蕤於金  
斗祥麟集食於武川敬仲乃啓封禪之所致汾陽極稱



天瑞之可傳此皆帝不貴乎金玉而寶夫衣食之源故  
其政必調於函夏而時省歛於秋田之所致也乃有連  
叢合隴七穗五岐三苗四熟珍綺紛披或北里之稱盛  
或玄山之讓奇不周或呈其異種帝庭或獻自外夷或  
光照九阿之謠或香聞五里之滋是以繁瓊侈稱於前  
代而昌符踵應於來茲孰若聖世之休禎炳靈淑於神  
祇實皇衷之淵塞特示象於疇蓄既登八極於安和仍  
躋萬國於咸熙允阜澤之潛通羌宏化之寵綏於是田

駿至喜檣夫載忻僉曰異哉世所希聞薄言采之以獻  
吾君於惟皇上勲華淑軌方且秉冲自下遜美弗居謂  
嘉穀之呈象豈涼德之克符實先聖之顯烈膺上帝之  
瑤圖也於是降明詔蠲吉辰徵太師之九奏舉宗伯之  
十倫飭豆登而並薦恭尊俎以俱陳信曾孫之有道企  
皇祖之居歆於是大禮告成億兆歡忻東漸海隅西暨  
沙壩具瞻上瑞雷動風傳凡在廷之臣工咸稽首以颺  
言謂聖王治天下以孝而五穀為王政之先茲者聖德

廣運格於重玄一人有慶兆民賴焉將使至治刑於萬國嘉祥載於普天皇風皞皞王道平平端冕垂旒四海晏然明明天子壽考萬年

許國嘉禾賦  
勾吳文學躡

屨之燕會天子藻潤太平四方瑞應日奏闕下既聞有獻嘉禾者羣公畢賀迺盱衡濯慮而往觀之邁狗華子與好古先生辨論金門之左揖而聽其語狗華子曰吾聞太和之氣醞釀堪輿蓄極而發奇珍乃攄祥風之所披拂膏露之所沾濡神不能闡其粹天不能表其符沕

涵逢涌溢為嘉禾蓋冥搜於玉筭茲快覲於皇都夫其  
陸海廣輪神臯沃衍龍首通渠魚鱗疊畹蔚封畛兮縱  
橫倬阡陌兮宛轉三推既倡兮九扈作勞黃茂聿滋兮  
玄功斯顯則有玉山異種北里仙英濟陽九穗崑崙五  
尋挹光華於日月凝沆瀣於太清卿雲照爛以垂覆景  
星煒煜而流晶毓非常之元化挺秀質於金莖爾乃穎  
擢丹霞顥抱明月豐枝本萼瑋幹芳潔或珠聯於異畝  
或琪映於同暉或兩儀分於混沌或五氣散於輶輶或

參乎乾畫之精或象乎洛疇之列其生也后稷降靈厲  
山遺烈種美璧於藍田萃商金於清樾其用也含哺萬  
國芬芳九闔頤天顏於五位肇王基於七月猗寰中之  
上瑞羗閱世而昭揭昔蒼姬之受命兮爰抽祕於唐叔  
逮白水之真人兮值虹流而載育曰悠悠其歷劫兮嗟  
未聞乎芳躅匪至寶之不可恒兮何寂寥於圖錄聖皇  
建極兮超赫胥而軼大庭黃輿獻琛兮嘉禾乃登邇歲  
蕤兮千畝遠璀璨兮八紘由顧命越於今茲兮果何方

兮弗獲亦何歲兮弗生保介紛綸而奏御奇祥雜還於  
汗青蓋千萬年之希睹而鴻濛剖判所未有之庥禎也  
謂宜陟岱嶽告成功勒蒼崖樹穹窿跨瑩英於堯除掩  
蟠桃於漢宮何為乎僅升太廟之几聊陳尚膳之饗幾  
洪朗而弗耀抑崇峻以謙冲意者聖人之盛德兮慮非  
所以章明賜而承昊穹於是好古先生拂然色厲正襟  
諤諤而復之曰異乎子言所謂見一斑之文豹蔽豐蔀  
而測星躔者也吾聞之桑桑暮拱殷道以興芝房協律

漢業幾傾蒼麟駟於羯乘黃龍炫於吳京謂變者未必  
為咎疑祥者未必為禎其休其否此焉足憑嗟大鈞之  
寥闊兮二五交蒸神奇臭腐兮靡詭弗呈勘一抔一擠  
之榮亦造化之偶然兮夫何與於朝廷是故明王馭世  
不貴異物有兢兢而思慎曷顓顓於黼黻稽六府之重  
輕察三才之秒忽故以豐年為寶民食為天游神稼穡  
雅意甫田躬儼耜御紺轅塵穆清之宵旰祇求裕乎元  
元如其耕耘不擾疆理盡力多黍多稌時萬時億百室

開兮婦子寧百禮洽兮神人懌即大化之神明知協氣  
之融液雖無嘉禾奚損至德如其疆理蕪溝遂廢鳴條  
不時濯枝愆序田畯失其咨茹亞旅闕其樹藝黔黎艱  
食風教刊敝雖有嘉禾奚益世故今天子遠覽陶鈞之  
上庶幾歸禾之旨視厥方貢讓而弗處有事寢園薦馨  
而已蓋俯徇乎百辟非則倣乎夸詡子大夫不究本原  
矜竒說異殊謬乎春秋之義語未卒勾吳文學攝齊而  
進曰長卿有言楚既失矣齊亦未為得也且皇天樹后



以長世豈漠然其無情有錫羨以純佑或降威以宣懲  
伊災祥之大致固在昔其明徵然而天道遠人道邇驗  
善惡之幾先視后德何如耳有禾芊芊明盛之年飛紫  
芒於堯陌垂金粟於舜田氣緣感而後應治有開而必  
先以此為瑞瑞何疑焉若夫帝澤未流嘉禾聿穰搖盲  
飈以扶疎潤怪雨而夢蘄雖併穗之可觀實陰陽之多  
戾出非其時是奚足貴名之曰妖又豈非類故夫麟一  
也遊郊者軒以之光西狩者周以之亡鳳一也岐山鳴

而德茂潁川集而道荒彼四靈其畢爾豈茲禾之比方  
盖以瑞稱之兮瑞未可必以妖視之兮妖亦非常亮神  
霄之有意非臧否其茫茫維觀物而考德兮乃天人之  
並彰噫嘻為妖為瑞以昏以聖則大聖之握符必降康  
之綦盛方今巢燧當陽夔龍布令步玉斗懸金鏡匹夫  
軫於宸衷三農重於八政春臺若登寒暑皆應是以震  
聲日景雪煜九玄貢華喬岳輸英大川極薰蒸而旁魄  
乃茁暢於天田所謂以和召和兮洵神理之自然豈比

夫赤烏與泰始空詫說於民間昔我高皇帝之紹天也  
虎旅戢而化成龍門獻其嘉穗肆賁天章用歌敬畏不  
侈大以自矜爰貽謀而錫類誠天寵其德而靈承其瑞  
於今觀之維上克配而先生不考於此一以為希覩一  
以為偶然弗原天而盡人得無立言之少偏伊欲照金  
簡重瑤編表熙朝之鴻鑠邁周烈於千年務昭明乎聖  
德乃論治之真詮文學語既從容而却先生歛容唯唯  
諾諾顧謂徇華子曰此嘉禾之讜議也足勸賢而警虐

庶幾風人用備著作

樂章增宋史朝會樂章彼美嘉禾一莖九穗農疇告祥  
史牒書瑞擊壤歡歌如京委積留獻春種昭錫善類  
嘉彼合穎致貢升平異標南畝瑞應西成德至於地皇  
祇效靈和同之象煥發祥經

五言排律原唐孟簡咏嘉禾合穎玉燭將成歲封人亦  
自歌八方霑聖澤異畝發嘉禾共秀芳何遠連莖瑞且  
多穎低甘露滴影亂惠風過表稔由神化為祥識氣和

因知興嗣歲王道舊無頗  
增無名氏嘉禾合穎天祚

皇王德神呈瑞穀嘉感時苗自秀證道葉方華氣轉騰  
佳色雲披映早霞薰風浮合穎湛露淨祥花六穗垂兼  
倒孤莖媚復斜應同唐叔獻稱慶比周家

詩散句增周庾信嘉禾雙合穎稻熟再含胎  
唐張籍

田有嘉穀隴數畝穗亦同  
宋夏竦眉山遠地蜀山西

九穗嘉禾忽效奇  
元王惲嘉禾歲芊芊

御定佩文齋廣羣芳譜卷九